



生詩集

三十六之八

三

へ 16
1533
47

早稲田大學附屬
圖書館
寄第
第 號
第 卷
此書館不許帶出



門和16
1533
49



羅山林先生詩集卷第三十六

會集附尋訪

和惺窩長嘯會遇詩二首

雨之後又月之前蘊籍風流勝比年殿閣微涼須
記得夜來頗憶柳誠懸
今夜交遊欣有情天悲無意雨吹晴數盃茗椀几
筵際萬軸牙籤棟宇盈和氣主人安樂在來過賓
客論談清一輪明月雲收盡窗外望中眼界平

或曰此二首和惺窩於楊梯席上所作者然

今從慶長舊稿蓋惺窩長嘯共會於楊柳

席乎

訪長嘯子

花香之風山麗之日中和位育之時也于是乎
奉訪東山子少焉松下有童子出延焉既而坐
於春風之中談未了爵相酬鳶飛魚躍滿自青
山不亦快乎遂辭而出它日奉東謝之有瓊瑤
之報不耐欣戴之至賡載二小絕以獻之
仙門常不開花月自傳盃何怨孔方缺翠兒元是

苔

高門爲我開喚起鳥舍盃寄賜茂先紙看來側理

苔辛酉三月中浣

春日奉訪長嘯公於靈山清談玉露蕃是日
余有它約赴雙林寺故談未了而還翌日賦
此報呈之云爾

八坂東邊小路分春風花木向欣欣我來竹下問
青鳥君在山中卧白雲一世苓通皆富貴數行草
帖自詩文門前車馬紅塵底驚動雷庭曾不聞

寬永元年

巳巳九月二十日應東山長彌予之招運步
於松下以採蕈菌食之風味不可言也及晚
而歸

東山風物自無塵泉石雲煙屬主人香草誰知薇
蕨味松間秋似首陽春

又

行盡秋風第五橋山堂依舊有佳招一瓶水露陶
公菊數軸歌詩唐氏飄相遇愛楓雖及晚猶思待

月不終宵高談滿谷傳清響鸞鳳聲吹紫玉簫

赴頌遊宅示一絕慶長年中

殷勤迎我席初開軟飽如今傾數盃談論溫溫一
爐火任他簾外朔風來

冬日過秋江房慶長年中○異本日正意玄
東正明信吉週年同行

門前流水洗心腸元是法華三昧場逢著款冬無
本寺近看晴雪贄公房數株老樹寒如鉄一擊暮
鐘清似霜庭除小山雲抱石主賓笑入黑甜鄉

月下尋人不遇慶長年中

第五橋東月一輪君邊分影更猶新清光雖滿意
何滿歡笑今宵少此人

一本題曰孟冬十五夜歡少年善秀月下門不遇而還芭蕉秋去無所題名

和道圓席上詩韻元和七年

彼此同遊人莫嗟滿腔春色月前花謫仙下斗彌
明昇紅燭高然影未斜

黑川氏席上和道圓寄正堅詩韻

箇在遊行洛陽岐汾水天台大小兒喫飯着衣心
所欲人皆日用不曾知

戲和頌遊詩示清水宗親并序

癸亥十有一月十有九日余興疾赴清水寺執
行宗親之招呼時頌遊從來賦一絕而索點算
余不獲默漫塗抹於左右置諸座前以慰目下
之寂聞且其詩見之以耳不以眼讀之以耳不
以口歎息之以踵不以喉舌嗅之以手足不以
鼻所以者何音聲不可觀也何以曰觀音設或
有人識得觀音則知余所以於其詩乎同來之
冠者四三輩相賡而和焉於是余亦嗣韻以示

主人聊供大士尊且謝其眇昧之意云

音羽山閑眼界新
臘前風景賞嘉辰
觀音般若若如湯
沸愁憤雪消天下春

和壽礪到浣川訪正堅詩韻

夢入韋南尺五天
遊絲一片蝶翩翩
主人隔樹未開戶
唯見日華流動川

和正堅示壽礪過浣所訪律詩韻

何意寧馨元是雄
兩人蘊藉笑談中
鳩飛霽色男山日
鷗泛春聲浣水風
欲曙藜燈添一點
未開桃

兩對參同尖新氣象渾
依舊沼泚生毛峯不童

和堅巴醫生來問堅巴一名元安

忽讀新詩卷又開
殷勤使我憶從來
袖珍袖裏活人手
肺腑陽春可挽回

又正堅丈其舍兒也同居于浣

志士何須論富貧
君家蘭室有藏珍
芙蓉欲伏沙中穴
枸杞猶肥杖下春
昔在蜀川占地步
今居浣水叙天倫
他時設使東西別
莫似參商互隲辰

丙寅八月

丙寅良月念有三日應十如英衲之指呼清
譚移時座間口占

半日浮生竹院邊三冬暖氣栢庭前露霜來往依
然在便是東山十月天

此日賡叔勝詩韻兼呈似同遊

交遊未必問行程到處風光養野生舊是故人宜
晤語無心松樹蓋猶傾

已巳十月四日赴東山十如院院主被示唐
絕余即和答之

寺是東山第一峯小春風景最鮮濃
皴飾楓葉絳霜色猶待嫦娥搗藥春

寬永癸未十月二十五日訪石丈山山居寄

題詩仙堂

山居者在第一乘寺邑去王城二里許也一乘寺者即藪里之地也昔有寺號一乘故為邑別名也今冬偶在京暇自往訪晤語終日

藪里垣衣淨掃塵欣欣東道意周諄此文宇宙今
猶古堂有長生久視人

此日即席次春齋韻呈丈山

奇遇忘公程話勝堅白鳴交膠無礙易心鏡不將

迎菊後憶元亮草餘慕伯英詩才今處士繪事古
先生蟬蛻紅塵陌螢乾黃卷棚眼青山氣夕箕踞
擲簪纓螢乾一作蟬枯

武田恭安席上次韻答信成少年恭安者道安長子也

後改恭安信成者是恭安弟也後改杏仙

冬夜奇逢談未了清吟吐出妙年才刀圭七首筆
鋒銳醫壘詞場相共開寬永二十年

以上在洛之作

寬永乙丑季春二十六日奉訪前博陸殿下

於東武旅館應命即時賦一絕

台駕高凌百里霞武陵草木亦光華東風片片士
峰雪應似洛陽三月花

庚辰季春之朔應水戶黃門君之佳招賦庭
砌即事二章

中庭正任暖風吹泉石雲霞山又池瑞鳥名花江
府畔陔連瓊樹萬年枝
庭砌岩池處處橋芳聲羨譽甲吾朝櫻花宿得梁
園雪遲日春風吹不消

同席應黃門之命賦水殿賞春

亭子長橋水自清，雲廊轉處得春情。韶光十倍龍池柳，花映冠裳魚不驚。

謝中山氏之招兼奉呈三品羽林君

古者賓主之高會於禮，有燕有射，有投壺，有鐘鼓，有歌詠。九設俎羞，庶羞終日，起拜雖強，力猶倦，以俎肴之貴，而不得安坐，歡俎而后坐，以共歡禮。畢賓出，則饋俎于其家，嗚呼盛哉！今茲仲春三日，依中山氏之請，而携兒輩同赴焉。豫出

題賦詩，主人詠後什，即筵治具之際，山肴野蔌，陸產海錯，堆盤加貳，杯血多品，其厚篤有在焉。芳芹漱潤，嘉菓解醉，既而更題，各有詩有歌，炳燭爰坐，霏談於是乎。羽林君俄賦其題詩以告之，且副以佳肴，而賜之。主客皆起，敬之至，乃奠于床，上以為席珍焉。客意欲懷核，然不敢也。今雖無射儀，哨壺等之事，而有詩與歌，則今之樂抽古之樂乎。其遊慰可知也。逮夜深而退，厥明主人饋其所賜于余，就試則大於烏樺堅於此。

如深指之霜粘齧之香殆自松陽來者乎又試
則非米非雪非銀蓋是糗餌粉齋之有滋味者
乎雖八珍之淳熬亦不可過焉彼七絕之中已
有又壽况八珍爲養老之飽乎其恩賚之深欣
賞之餘聊援古禮貴俎之盛事謝之且綴律詩
一章呈於中山氏庶幾贖羽林君之乙覽嗚呼
吾老矣詩亦羞鬢之所不足乎

馥膏一格絕纖塵吹送恩風藹藹仁甜處無聞茶
謁書密邊有見菓爲珍嘗來消解入喉雪舍得獻

通滿腹春憶昔清時能養老誰歟豪傑與凡民

再用前韻奉謝羽林君并序

乃者僕賦一律光序以呈于冊治備收信准而
謝招呼盛集之殷勤且拜三品羽林君嘉惠之
厚豈意捧此醜詞黷其賢覽而况瓊報之承雲
飛入僕手乎幸之又幸何以加焉薰讀圭猷畏
敬之餘再次前韻以獻之聊掃寸冊之曼乙云
君邊清靜本無塵惻隱腔軀總是仁文苑風温吹
道器武門霞峙抱家珍冰融上巳櫻除節山麗中

和位育春花有藹然忠義氣柳瞻陽德化黎民

壬辰臘月二十五日應三品羽林君之佳招

其丁寧之忝謝之有餘於是賜題而呈拙語

者數章且綴一絕以述中情之曼乙

滿鬢雪望滿面霞盛筵執謁是亨嘉風為陽煦雲

為慶和氣溫容猶待花

夏日備前少將亭即景

凌歊臺殿邊綠樹映瓊筵待月欲歸去涼風薄草

天

庚寅十一月十四日應京極山城君之招逮

夜依其求而賦一絕君者是丹州太守之家

督也故未句及此云

不覺雅筵銀燭長三冬風景一宵良霜天月映瓊

玕影便是丹山白鳳凰

寬求乙丑穀日余赴小出和州太守賜茗之

約祇待甚厚壁上有名畫讚數幀席間有冊

青屏大小數座軟語共接欣賞不恒既而索

余講論語遂終鄉黨一篇殆不覺日之將暮

也於是辭去翌日賦唐律一章而告之以謝
其萬乙云爾

滿座和風掃俗氛陽春招我意欣欣
冰消碧土甌中雪忽涌黃金屏上雲
三幅圖書隨客見一篇論語任君聞
溫談相接長年日千里朝霞到夕曛

一日携友生赴敬義齋賦十題詩銀燭再挑
時同來者皆退余與函三少住一宿翌朝綴
唐律一章以呈之

清晝欣逢折簡呼夜闌忽報漏更壺
新題任手筆

無盡古道照顏燈不孤唯怪子陵侵玉座焉知史
氏上青蒲霏霏談話何時了和氣忘寒雪一爐

辛卯仲冬九日

庚寅仲冬八日赴伊達兵部君之第有講授
之事於是即事一首

佳招新賜鳳團茶琅璅聲聲潤齒牙
梅有一陽和氣在賞冬先問主人花

江子中庭前即景

金風吹草送薰香景到初秋辰亦良
庭與士林俱

鹿蔭虹橋水殿更新涼

江子中席即興

嘉招欣對顏，烟燭未能還。靜坐自忘夏，池涼水石間。

春齋赴日光，前一日詣壁陰軒。余亦同赴浴後，依其求之，而口占一首。

官暇招吾情，襟親開筵。花底設嘉珍，俶裝賜浴憶山色。先識孱顏清淨身。

甲戌四月十八日黎明堀田加賀守及余與

大橋立慶赴柳生，但馬守宗矩之茶亭。宗矩有倭歌，因以其末字為韻。

曙雲孟筵天，掃地設茶筵。留客綠陰下，却飲不聽

鶻

石川大隅守海邊亭即席

好景堪欣邂逅逢，風光樹色整秋容。名山勝水一望，裏門對江湖。窓士峯，癸巳季秋下浣。

柴田勝興亭被示春夜逢友之詩，乃次其韻。

殷勤招我青春節，細雨輕風相對閑。花有主人和

氣在夜遊秉燭久忘還 寬永十六年

甲子之其赴粟子文亭亭前望海其風景足
以悅日子文有詩索雌黃於是即坐即和而
示之

丈夫脚底每行行玉勒銀鞍憇武城簾外東溟開
眼看烟波雲浪洗猶清

庚辰仲冬晦日携二子向陽函三及寒江姪
而遊於腸坂安賴之亭坐闌安賴咏倭歌其
意欲吾儕為佳少時也二子撮其歌之末字

以為韻共賦絕句余亦被勾引而口占云

床上有瓶挿水僊
花故尾句及此

主人招我賞心催芳茗佳肴盤亦堆一笑梅礬比
兄弟先看瓶裏水仙開

後藤廣世席上賦春興

竟日優遊景共良主賓相對共相忘心清坐了春
風裏花氣吹入百和香 元和九年

乙亥十二月十日與永喜同赴金地院時文
殊院應昌亦來會及夜而還

寓會何圖冬夜闌主賓開口笑欣歡清談十倍白
蓮露社裏青松盟不寒

九月十九日祇待且開浴厥明奉謝金地大

和尚

興疾優遊對老禪軍持殘菊晚秋天上方世界淨
無垢膩沸吹壺菩薩泉

主人絕句一章漫擬淨名經問疾品以奉金地翁
獅床下聊問不恙否

德香獨歷藥林香禪味沒滋曾備嘗菩薩勿憂方

丈病中秋過後月清涼

余病後頃日潛行金地名藍携向陽考槃二
子及疾醫某瘍醫某同來時主翁脚嬰微瘍
強起迎笑溫語懇懇既而余就浴頓覺肩痛
忽和蹙頰稍寬信快哉出而監窺一欠伸之
間晚炊既成下若之杯上品之茶可謂享有
儀焉將炳燭也辭歸主翁脚痛猶輕健步以
相謝今爲問無恙不故賦七言排篇一首以
投呈之

淨名臥床毘耶中一切衆生病皆同誰隨文殊欲
往問未聽師子吼腥風有爲法觀影如電無漏身
存色即空頌讀衲家禪本草兼修道士永舟功隄
酬毒藥君臣佐熇灸鍼芒神聖工我覺靈堅雖漸
愈君煩王趾豈瘰桐藜腸寧識膏梁癯蒲塞曾聞
盛饌豐此日賜浴聊盥漱慙愧齒豁又頭童扶起
振衣思屈子從容奠枕夢周公覺來尋常茶飯熟
可惜西清夕日紅提携二醫兩兒輩團圍相對意
融融時聞杜宇不緘口猶有老鶯頻鼓龍憎嫉蒼

蠅飛赤棘仰望彩鳳集青楓世俗幾餘五墨墨天
倫可飽外蓬蓬早晚得飲瞑眩藥禪癖詩癖謝主
翁

孟集二十八日

癸巳九月二十五日赴金地院友朋同到時
偶會大統院主薛若來于此冥竒遇也聯句
之次粹綴一絕以呈似之

方外淡交心盡降招提佳境武陵江禪林楓葉莫
吹盡丹穴翔來僧鳳雙

和信藏主訪養拙詩韻兼柬養拙

交義從來不可忘，茫然空谷訪幽房。半天月色千年雪，一朶梅花百和香。黔突無薪燒木佛，烏甌有茗洗藜腸。參詩相似參禪否，唯覺水中鹽味長。

寬永十九年八月三日向陽招請五岳長老西堂單寮首座藏局十餘輩綴絕句一章各被和其韻於是余亦及此

錫影凌空東海陽，慇懃來訪華蓬堂。五山爲有孤德，台蕩雲隣欲接芳。

兒童以數弓地之弓招五岳兩彥，竟日聯句與世上誇疾走者異日之譚也。余宿疴老癩，不克出臥內，然於是有似謝安聞淮淝之捷而不若與蘓邁對夜坐之感興，因信口以寫之。

近代文章言已陳，料知駢儷稱清新。髮絲細住彌明髻，石鼎聯中少一人。

乙丑仲冬二十三日赴文殊院

晚節晚香相共難，蘭枯菊碎露纔殘。來過不爲梅

花早唯喜主人知歲寒

和前韻

籃輿何憚路行難竟日聚頭談尚殘東海前波萍
水合南山後夜草堂寒

再和示禪來

一點爐灰撥得難芋魁相對嶽頭殘禪床却似
人室滴滴生珠鼻涕寒

已卯孟春赴文殊院即席口占

時院主應昌在高野山

遲日和風拂世塵東關遙望鼎峯春主翁未到

呼客花屣招提居守人

此日和春齋韻

武州草野廣無山只愛韶華忘却還年甫新逢小
年否海東日影自長閑

此日和永甫韻

人在南山雲水涯別來春到恁情加晴夫野馬絲
難繫便是文殊師子花

此日和守勝韻

今來古往本無窮花信依然次第風鳳曆似開陶

侃翼一飛春色八州中

此日和十幽韻

六花殘處得勝遊
白日遲遲自久悠
僧院尋春相共賞
笑他薄倖在青樓

庚辰二月八日起于文殊院入浴室或曰不垢不淨或曰肥羅剔扶或曰苟日新又日新皆有所思乎案悉陀降誕四月八日也一說云記者用周正則考諸夏令而偶當今日歟故漫及此云爾

和風細雨約無違
閑似春雲出不飛
浴斛為燿驪岫水今將心佛比楊妃

次春齋詩韻呈文殊院主

手裏春風雲可擎
南山不隔海東家
廣長舌潤曼陀雨便是檐前朝暮花

又呈院主用守勝詩韻

淑氣流行嗷且吹
春風千紫萬紅枝
花熏百和有祥瑞
炭是麒麟爐是獅

庚辰季冬遊文殊院用春齋韻

先章指昇峯為南山

梵宇風光本只寧霜枝露葉滿閑庭雪中西嶺映
窓白天外南山當戶青

辛巳正月十三日到于文殊院賀歲初且入
浴室

霞外門前東海帆明窓幾几最莊嚴院閑自有清
涼界春水燂湯一洗凡

辛卯十月十六日赴文殊院立詮時新築既
成聊留一夜絕句以謝之

新居招我致殷勤一宿蒲團爐炭熏獅子座邊推

攬枕東方既白五臺雲

壬辰二月念四日猝次江子中遊文殊院蘭
若詩韻

滿院欣榮樹樹繁偷閑半日既過昏山花如雪路
迷百草淺相看老馬存

赴文殊院非時飯後入浴炳燭夜遊乘興作
一絕以謝院主云爾

何用温湯悟水因只怕刮垢不同塵上人禪悅尋
常食方丈羅前野八珍

辛卯四月十三日立詮上人與伯元生同來
問向陽軒之疾病余悅其厚情時小雨偶口
占一章以寄謝之

新綠成陰初集天堪欣公等惠來前颯風吹度庭
松雨唯聽檐聲莫聽鷓

辛卯夏日間文殊院主來問向陽微恙漫任
口占以寄之

方外交朋喜蓋簪毘耶問疾豈祇今絲絲節後蒲
如劍紅色文殊入綠陰

甲午四月望夕文殊院立詮上人來問函三
微疾絕句以謝焉

短宵清月飯雲開知上人來自五臺枉駕金獅驚
踞否小床倒點夏天雷

仲夏十八日文殊院上人來問函三弗豫其
志不謏吾嘗聞浮屠者說百千佛菩薩名異
實同若然則文殊藥師果一也因口號一絕
以呈之兼謝來意

薄晚侵敲掃暑塵秋筵清話意諄諄温公同路瑤

瓊皓五月涼風悅可人

寬永乙丑小川俊政生來自京師訪余晤言
之歡情可知也賦春逢友一篇蓋效楚辭體
云

有友來今自西方西方何處今洛之陽兩不借今
踰山嶽匹四蹄今踐露霜瞻積雪今士嶺問桃花
今武陵寄我家書今托回雁寓兩道遙今咲木牒
於戲噫嘻我聞之今古之道男子生今事桑蓬何
柔弱今兒女之態不遠千里今稱英雄開口笑今

花庭握手徜徉今春風

又賦春逢友和後政詩鵲

細馬東風幾驛程欣君來問酌宜城天涯咫尺對
顏色話盡暮雲春樹情

寬卜幽并序

將邀寬招友則思我有青藜亦以御冬可愛者
不表出乎可惜者不董餘乎顯現之權威幽風
之膺發滕六之欲飛降凌人之將有事與賓朋
共問諸玄冥玄冥其不測而靈也默而不答唯

有主賓問對談鋒之與鉄箸同撥獸炭於爐底
烘品柴於釜臍相像如此春考二子遭幽也招
而往干道造干徜徉矣惟時外平無凍餓之民
蕪蔓菽粟飽麥飯非今事也座無浮屠之狂禪
設使有干火亦不對懶殘也我老不若人病不
往遊亦可無垂寒涕者庶幾詰且不聞王元寶
之說而聞李及之探梅之馨我心清我骨也哉
若否則不可云有甘蓄歎緬懷之餘口占一章
以寄座中

切切欣逢淡水交德音令聞勝陶匏口中温潤瓊
瑰唾一夜風寒笑孟郊

春齋考繫次郊字韻余再和以示焉

萍滄江水草叢交欲濟猶懸苦葉匏憶得長安年
少日東山緩步又西郊

赴卜幽僑居此日終日雨

風景矇朧一任吹青陽招我有襟期花房柳色泥
塵坳晴好不如春雨帝戊子季春

七字聯句席示卜幽

彌明高髻自衡來石昇空埋庭際苔方朔三冬介
夜月影明漢武栢梁臺正保元年十一月

同席示了的

薰風亂道自南來堪恨公權無諫才一夜寒爐吹
火德燈青漢武栢梁臺

同席示伯元

古來聯句亦多哉夜坐曾聞蘓邁才讀過秋風好
龍後雪遲漢武栢梁臺

投向陽會席小絕添韻

偶聞青雲之客黃門之人金地年步之叢社鼎
峯修驗之桑門邂逅干向陽軒比之三笑餘其
二較之蓮社欠其十三譬之五老則富干春秋
地不蒲礪則未見五羊今遊子四人若似却老
之商皓採擘擘之芝試使留侯以此菌代其芝
而已莞爾

主人問向誰秋霽讀書時柳菌難當肉然貽千歲
芝七月小盡○時藤廣賢了的及金地院下元侃
高野山立英同在向陽席

二月九日夜小南閣的生訪向陽軒

人與春情共羨哉黃鸝玄鳥豈喧庭雨餘門柳且
先賞猶是桃源花未開

上冬下元之後朱草五葉將厭之日我家弱
冠携友赴道負生之亭子想可有佳話我老
病衰爛是人之所知也况今與寒岩枯樹惟
肖難與少年鼓相接唯借苔色而已燈下收
寒籟摩昏眇口占一章塗閃鴉以示弱冠乃
柬主人及座中人
詩有嗟袂往敲門目擊欣欣道可存水土時來鱗

始凍一爐紅葉語言温

癸巳仲秋二十三日雨不止友元生過余而
更赴向陽軒逮晡函三往遊炳燭之時亦卜
幽文訪余少選聞友元在彼而同往訊於是
乘輿口占一絕以寄之

講磨濡染是心朋圖在壁間書在棚能老壇前讀
一宿雨談况勝十年燈

函三微恙友元生來佳
學暇惜陰如奔駒豈是問疾一默已未見伯淳先

坐春堪笑坡老擊斝字

三子來訊函三微恙作詩祝其早瘳兼示之
及門借問誰燕暮讀書時見雨花無恙受風柳不
私切憇修水接舒卷見雲期和氣一腔赧春心
得知 甲午三月十七日

友元冬夜小集以文乎魏仁乎勿過于逸于
遊可也今夕之粲花豈翅一枝花魁而已哉
詰且咳其告

凍手寒燈攤簡編呵毫莫放古人涎探梅為縮瓠

山地不向羅浮小洞天

丙申孟陬十二日雨降冠者金節友元來問
及夜春齋取其姓名弁諸句頭作絕句以戲
謔之友元次其韻報焉函三亦同韻綴二章
以示之余亦賡載之但改入見為金節云爾
金蘭接與淡燈親節似蒼筠受雪臻友以文逢是
高會元由陽德有芳鄰

赴才庵出浴而即席 乙丑正月

東風向主人漏室頗煖寘衣使屈平振盤由湯帝

新寒飢融不垢温水滑無塵今若浴梅去冰醜一
朶春

羅山林先生詩集卷第三十六終

羅山林先生詩集卷第三十七

送別

和建仁寺誓長老送余行駿河詩韻

曾聞海外有蓬萊富士巍然邪馬堆雪似東山山
上月白鵬疑是鶴飛來

十身答素安送余行駿河詩韻

雪嶽高寒東海涯昔時徐福自中華洛陽錦與蓬
萊藥三月櫻花六月花

和祖博送余行駿河詩韻

道中萬水更千山上馬乘舟歷幾關可被洛陽朋
友笑今時不似舊時閑

舍弟信澄和之余再賦之

十尋杉綠淺間山三保松青清見關佳境元來雖
處處官私一日不能閑

慶長甲寅那波平八未弱冠頗有讀書之志
夏秋之交來于駿府而依余以拜我幕下

幸之幸甚也頃之趣旋京之裝離索之情不
可言也仍賦一絕以贈云

兩地秋風一別心前程不測勸青衿士舉雲盡
湖月應是新郎馬上吟

唐絕一首行人從阿倍河過

淺間山頭望京洛阿倍河流水色黃故鄉親友如
相問唯向西風感槩長

右六首慶長年中作

和玄叔餞別詩韻

萍泛蓬飛西又東霽行雨止憫悻悻籃輿乘輿不
辭遠處處花開處處風元和三年

玄叔醫生赴阿波國時乞余詩不止於是強
書以送之

藝於方技溺耶游術業應期張李劉今我遙懷阿
谷水行趨巨海作長流元和三年九月晦

和相國寺暉長老送別四首

袖中有海忽揚濤只向文房避俗囂我似徐凝題
瀑布人如永叔賦廬高
滔滔法水起波濤何隔雲林與市囂請看阿房似
禪旨樊川却不及斯高

一別東西數片雲名山佳水憶同群歲寒要識平
安意脩竹千竿可報君
送行一朶筆端雲方外修文每拔群梅月造移坐
禪影放翁用處欲呈君

答山村送余東行

胡越弟兄何邇遐中心不忘足歎嗟文章無與錦
華色慙愧洛陽三月花
宇宙於吾事豈窮何人來問意空空欲觀滄海朝
昇日身在搏桑東更東

答及圓送行

不見長安只見雲，幾回西望思纒紛。當時年少若相問，梅雨晴天應遇君。

答道圓送行 圓約云，明春可來江上。

梅既速開櫻又遲，桃花猶使此心知。明年相逐武陵客，馬首西來非爾誰。

答宗因送行

我赴東州汝洛城，窓前莫倦一書生。路逢流水每相憶，亦是桃潭千尺情。

右九首元和四年出洛赴東武時作之

別人

美人藹藹綠雲鬟，唯恐神仙謫世間。勝斷今朝離別斧，便爲海畔劍鋸山。元和四年

野詞一絕，賸送清水久藏新，即自武陵還西

州

秋風分袂意悽悽，來往東州路不迷。遙憶歸舟波上月，士峯影蘸海雲西。同年

次韻道圓正堅留別詩

羈別秋將暮飄飄衣袂風烟塵生帽底日月入籠
中匹馬關山北一家海國東只依京洛舊應使此
心同元和四年

絕句二首贈杏菴赴安藝國余亦今將東行
故後篇及此云

久要平生言不違黯然離思正依依風杏巖島靈
神藥採滿仙舟載得歸

相送元和已未冬江山入筆寫心胸君行西海我
東道會向長安花下逢元和五年仲冬

和山材送行韻

今茲應花屋爲春之求而講書經蔡氏傳者有
日矣山材子與聞焉既而余東行山材子惜不
終書篇於是袖一絕來以色其行因次韻以答
之兼柬花屋主人云爾

誰道國無知我人壯夫惜別吐瓊塵今誓二帝三
王古腔裏挽回千歲春元和辛酉十月

送重純赴洛

古人云三五二八夜千里與君同是詠月無返

邈也今秋重純丈其武野之月而向洛陽之天
余亦非無楚冠越吟之情豈不欲羨哉短章一
首以潤其行色云

磅礴乾坤一介身黯然睽別情秋身山川不隔古
今月自照東西南北人元和八年

祖山木子赴西州

進退行藏人豈知秋風門外即天涯駿蹄千里履
霜去有待堅冰未至時

頃者間島興永信宿於敝塾而今赴大坂大

坂者難波江之古蹟也梅之有名久矣欲問
斯花之恙乎於是擷管賦一絕以送之

朝來對坐夜深談感激乾坤一壯男應為北枝花
不早尋芳衝雪向江南元和九年

花前餞別三月九日赴玄同宅

可惜風光倏別君滿園春色蝶紛紛縱然明日花
猶在回首長安是白雲

再賦花前餞別和玄同詩韻

一別爭禁牛馬風樹雲渭北與江東鴨河橋外花

雖咲未有春山似洛中寬永元年

送貞次生自東關還京師

一別江城一友生春風枕上夢魂驚
武陵孤負桃花去欲見洛陽三月櫻寬永二年二月八日

書以與春江生從加藤君赴熱海之溫泉云

爾

一箇男兒志四方春風撲面馬蹄忙
胸中宜蕩滌查滓熱海由來百藥湯寬永二年二月十八日

和韻閑林丈送春江赴走湯山絕句

行盡豆州東海涯征鞍回首暮朝霞
溫湯一洗西施面不獨廬山似破瓜寬永二年

乙丑仲夏中浣送粟子文自東武歸于筑紫
登輞東關還紫陽明朝別後倍瞻望馬蹄踏破土
峯雪須納入間五月涼

絕句一首盛道圓丈之行色想奉定省於西
蜀故末句託其意云

一別心知千里交柴門何日忘相敲
片雲飛與社鷓去須向蜀山尋舊巢乙丑夏

絕句一章送俊政生自東武旋洛陽此夕大雨故及

白雨翛然涼意新征鞍千里洗紅塵殷勤相約武陵客明歲桃花共賞春寬永二年

送春江觀母之亡茵而祝其疾復故云用春碩韻

吾愛城南喬木廬慈顏相對定欣如玉壺六月賜冰節病與暑塵須洗除乙丑六月朔日

次道二旋鄉詩韻

故國他鄉心一般回頭遠望白雲間歸來却笑遼

東鶴只應青青喬木山寬永二年

次韻春碩生送莊豐牧自東關還西州絕句

江梅移影雪殘時黃鳥好音吾始知馬上春風須
揮向一枝相贈使人思寬永三年五月晦日

樺來老禪自東武旋洛早辭一首聊代較以

津之云

方外交遊欣遇逢片雲一錫路重重花開武野三
春雨月落長安半夜鐘寬永三年三月十五日

送松保高歸

梅潦未晴生別愁，爭禁清笈却如秋。明朝瞻望隔山嶽，獨倚涼風信羨樓。寬永三年

送春江之京

竒峯突出箕雲閑，目送千山萬水間。待我初秋駕風去，眞先落葉滿長安。寬永三年

十如禪師將赴東武時友人賦早梅惜其別者數輩翌日予亦聞而同賦

君行東武我西秦，唯有梅花情最親。雪後園林欲同賞，小春先贈一枝春。寬永三年在京作

送壽閑旋洛

天地浮萍一世間，君望北闕我東關。月耶又雪多歸思，富士峯頭放白鷗。寬永四年

送春江赴會津

臚餞無端情倍加，東方都會一天涯。白河關外秋風度，待汝明春歸見霞。寬永五年

途中猥奉和脇坂君送吾行倭歌末字

東西千里共相期，玉詠如環送別離。上下交遊堪感激，除君誰是我奚爲。

兼恩官暇放還時君賜倭歌我報詩武野草花京
洛月秋風一別兩心知寬永六年

送古文生歸西播

時有點禮記聞論語問職原而殘課猶在
黠朱禮典未終功半部曾論心可通王氏職源譌
更寫金華山在播州中寬永辛未仲冬

次韻留別玄勝

西風今識我東遊珠句明來不暗投寄語真真雲
路雁洛邊湘左一舸秋寬永十一年

汚倭什之末字以送石川主殿監

羽毛吹刷暮春風沙上苔邊湘水東不識白雲千
里路飛花一片送歸鴻寬永十二年

和賜坂君留別倭歌

賜坂君自東武赴駿府官事母盍唯見公程耳
今自駿府寄賜留別之倭歌吟之則喜氣津津
於是摘其冠句字以為韻以奉答焉

海角天涯寄好音馬蹄帶雪士峯陰別時相約相
逢節黃菊隔年來與今寬永十五年

送十如大禪師自江府還洛東輦寺

三笑不同何足云青松社裡又逢君
誤看鴨水鴨頭綠須向湘東鴻雁雲
寬永十六年

恭安丈來較余以寒梅且韻律詩一首乃次

其韻寬永二十年暫在京而東行

友生識我東行去芳潤暗香俱斬新
姑射山中存雪魄羅浮洞畔見花神
百餘驛馬早催路數處關雞每唱晨
瓊韻似吹椰子律一篇先報一枝春

俊政丈作絕句以餞余行其述離索之懷

以觀焉因次其韻

相逢話舊一鄉粉詩語寄來聲作文君是壯年吾

白髮士巖煙壑洛陽雲寬永二十年

細野君餞余東行以新詩因次韻而酬之

鞠躬窺綠洞回首望青雲官爵依才進賢愚使藝
分舉揚騏驎志班列鷺鷥群寄語壯行色長途如

對君寬永二十年

絕句一章較荒尾君久成祇復赴駿城

細馬征鞍王勒鑣武城駿壘路迢迢請看西嶺千

秋雪須寄東風一夜潮

春竹告暇不能挽留絕句以示之其還云
筆墨尋常家塾中一時緝柳暮春風水流縱逐方
圓去有待朝宗不忘東

送洩因牧還封邑

因州太守洩野君去冬請余講大學又請講論
語今茲孟夏隨例賜暇然漸至子罕未終篇既
而聞君之發軔不日矣瞻慕之餘綴一絕以奉

送之

海雲關月仰望心時向飄風披我襟文武由來同
一理士林蔭茂映儒林

送卜幽赴水戶

東武經過筮仕年從行采地見風煙男兒脚下幾
山水須記桑乾買閭僊戊子初冬十四日
餞了的赴水戶

明朝一別隔天涯遐想吟鞍風雪斜若把常山比
常陸紀行筆走率然蛇慶安戊子孟冬幾望

送了的生還洛觀其膝下期以來茲春夏之

交可來武江

北風馬背一天涯，晝錦歸來定省時。
武野悲無書帶草，洛陽花裏豈尋師。
庚寅初冬閏月下旬

送廣賢君赴京師

秋風踏破海東塵，贏得還鄉緩佩巾。
來往楓宸槐棘側，一家喬木可迎人。

佐昌翁還京師詩以較之

面譚羊胛意無涯，一別明朝雲水遐。
馬背西風武江草，長安秋葉可停車。
辛卯夷則十九日由京回

送黑川玄通自武江歸京師

契濶告來留，不能朔風回首白雲層。
征鞍載得士峯雪，須換長安夜几燈。
慶安四年辛卯

送立詮上人歸高野山

一錫凌空南紀州，歸山想像得奇遊。
常尋巖嶺龍華跡，暫見隅田鴨綠流。
木客吟詩迎且送，道人錄驗鍊猶修。
來期應不待梅潦，淺草風香花草頭。

送大統達長老自江城歸洛之東山

水雲一別隔天涯，秀出叢林老作家。
瓊影移光群

玉府士巖雪是洛東花

我手似驢故命幼孫春信以畫之惟冀怨宥

乙未十月日

送茂源和尚歸壽紹相

東山茂源和尚者余方外之舊識也嘗受
鉤命赴對馬為朝鮮通書簡故也今茲從彼入
貢使自對馬詣東武既而聘使禮畢歸國和尚
亦賜暇再往對馬余雖辭若數回然幸朕之情
不能已也想其還洛鳳闕與焉鴨水依然暫居

舊院不遠見梅花唯見前程耳送行一絕聊慰
長途之懷以祝其遠大云

飛錫凌空千里家無為別淚濕袈裟日邊米穗富
山雪漲起西洋波浪花明曆元年

送野口永安赴洛陽

回頭天一涯想像洛陽花馬被春風送東關不鎖

霞

春齋蒙命赴高野山作一絕送之

正保二年有高野山僧輩懇于江戶審聽兩詞

以其背犯法規故錮其頭網三口于江戸郭郭
不聽歸山十月十四日有命遣符使於彼山
春齋亦同行因賜黃金時服道服且驛馬郵夫
拜命之厚况其來前之徽音往矣勉哉之
尊誨諄諄乎二十一日乃從皇華之後發自家
塾唯思雨往風還之間祈其晴就熟路安穩無
恙速還來而奉報告是所大願也口占一絕以
示焉

今古使符君命尊切思輿馬慎寒溫途中陟配

應歸早母氏望閭子候門

春齋赴京

春齋有事於喬木之里告暇而赴焉且阿孃有
遺言不可止也閏四月初四日首途八日計程
可到駿遠間會洛客便以寄書信副以絕句庶
乎脩途安穩事事不怠而適歸來而已

筍輿匹馬赴王畿我與杜鵑同勸歸滿袖薰風
人豈愴萱襟遺命亦無違明曆二祀閏四月上旬

羅山林先生詩集卷第三十七終

人豈... 春... 秋...

羅山林先生詩集卷第三十八

慶賀

寬永元年孟筴十一日酒井大樂令忠世土
井大倉令利勝以台命令余仕於幕府
余拜命之辱且辭以有病然不能固辭於是
十三日依忠世之先容遂奉謁幕府云
山東將相武兼文整頓乾坤建國勲豈意一心若
舉子幸逢三代柳營君
行藏今古道猶存一旦新策雨露恩且喜蟻蟻居

下土忽攀麟鳳出中原

叙法印位詩并序

除夕蒙台命賜余兄弟法印位何榮幸加之
哉雞日共服法服執拜謁於殿中獻雄劍龍
蹄而乃誓首趨進跪飲觴瀝且受御衣一
襲何意此身為青雲之士也原夫法印者沙門
位也而配僧正官今余兄弟元是儒也然祝髮
者久隨國俗與太伯之斷髮孔子之鄉服何以
異哉彼何傷焉有說于此寺官舍也借為梵宇

精舍本覺也亦借為蘭若名典常也經亦常也
聖人之言萬世宜常行之故以為其名然浮屠
假托之號修多羅為典經則盍反其本哉先王
有法服有法言四書六經有讀法其皆見於筆
墨垂於不朽故墨以傳萬古文章之印是吾所
取之法印也謂之心印亦可矣是此授位非吾
兄弟所曾期望也而今自上裁之則恩殊不亦
厚乎所謂自天命之者乎

天上瑞雲春共來吾儕法服拜三台忽傳萬古文

章印試墨池中水盡開寬永七年庚午正月朔日

慶賀

弄月吟風我亦遊太平天下最優優愛者鳳鳥集
楓樹今日堯紅千萬秋

六月十三日侍御前應命賦庭際之風

景

夏天風穩入清吟百喜千歡天下心聖代祇今涼
雨後御園山水綠猶深寬永十一年

初春祝

正月三日夜於御前賜初春祝之題即書

於短冊

祝得三陽交泰辰雲霞花草一朝新東風吹度普
天下欣遇堯紅舜紫春寬永十二年

十一月九日之晚侍一丸庭際第 三間賜酒

大茗時應

台命

茅茨不剪黜無塵今日唐堯教養人四海八荒仁
霈遍三冬風景探支春寬永十二年

辛奉賀

將軍宣下

辛卯八月十八日正二品亞相源君出前殿
 勅使前亞相藤經季東帶曳赤裾來前告
 睿旨去月十三日令任征夷大將軍兼右近衛
 大將淳和辨學兩院別當源氏長者右馬寮御
 監二十六日任內大臣兼右大將如故賜兵仗
 隨身聽乘牛車出入禁中其宣旨共十一通
 令小臣捧進經季退又出持御劔折簡以進之
 是自天子所被賀也院使前亞相藤俊完
 新院使前亞相藤實任各被進劔馬女院使

山黃門藤綏光捧黃金一裹此三使衣冠不束帶
 春四使各有私獻物是日前亞相藤永慶整繕
 君之衣冠陰陽頭安倍泰重奉祝之俗曰且紀
 亞相水黃門尾參議并列國牧主等及麾下群
 林士悉皆並列滿城繁多不可言也禮畢而去
 詔使趨降天上雲衣冠劔珮將軍于今四世營
 中政不逮大夫扶幼君君今年十一
 尾陽亞相公有春興之新製一日奉候之次
 幸獲縱觀而拜讀之其風流蘊藉誠不可言

也嗚呼文事武備相兼者乎謹應其教命裁
此狂斐以奉嗣瓊音之遺響所謂瓦礫於珠
玉側者歟不堪悚懼之至伏希電矚

筆下官梅字字香德輝仰覽文員憑君發起儒
林士禮葉樂花歸素王寬永癸酉仲春日

臘晦即席祝四品堀田加州太守被任侍從
且用其發句之尾

春到日長閑和風滿宇寰拾遺醫國手壽域有南
山寬永十七年

今茲夏賜暇脇坂君携家督安吉君始赴采
地其欣榮可以想焉它日絕句一章聊抒巖
瞻之情以祝其遠大

錦樹秋高映月輝丈夫出處最雄飛猶望食邑且
千里家與騏兒相共肥乙酉季秋下澣

辛卯八月十六日鈞命降江子中叙從五
品十八日緹服登城不可不慶也向陽作詩
以賀之因次韻益祝其前程事在彼詩序故

主恩不贅於此風管內對金欲世對天上雲亦與

主恩美露滴金風營內欣逢治世隆天上雲衣與
緜映中秋翌夜仰蟾宮

冬賀 寬永六年十月十二日赴壽閑宅
探得此題

化工物候向玄冥天下歡聲同
平雀萬年枝葉是冬青

冬賀 明曆元年十二月七日文殊院席出題
得萱字

民無凍餒有仁恩和氣先春座
席温臘酒如湯并
飲雪忘憂喜得背襟萱

寄鶴龜祝

欣逢闔國海山平恩及蟲禽馴不驚
年與乾坤同
永久待看册頂綠毛生

庚寅初冬閏月中旬赴文殊院
賦露結為霜
欲其鼎建堂宇而早成也聊祝之

白露橫空欲綴紗薰葭寒月照平沙
絲囊滴滴智
如玉可見清凉臺瓦花

次韻答卜幽丈賀余始獲兒孫
寬永二十年八月春信生

一家維舊的孫新環堵欣欣得席珍
手裏箕裘宜
越祖乳間襁褓欲修身愛如老鶴依珠樹
壽與冥

靈比玉椿猶待天香多桂子秋風莫厭覓音頻

上幽賦詩慶余獲兒孫乃次其韻以酬之後

日了的亦和而賀焉余再同其韻以答之情

見於筵而已

貽厥孫謀要日新容安膝上得佳珍古賢傳附自

家意今我養成遺體身若匪梓橋全本末爭知草

木有芝椿天葩映玉入懷袖一朶奇芬歡賞頻

奉和羽林君賀余獲女孫

詩不云乎誕彌厥月先生如牽今茲仲春二十

五朝函三妻平產得女子雖不設桑蓬之惠然

有得椒聊之繁婚家姻家同一歡矣於是三品

羽林源君賜良醞朋樽嘉肴兩筮不耐感荷且

函三亦蒙數事之恩資特賜慶賀之玉詩并序

余亦同薰誦之其厚典之至何幸加之因奉次

其嚴韻以呈左右聊警曼乙

門右欣逢設悅時祝規兒婦早當楣蓍茵安穩有

和氣三日春風亦負詩慶安四年

加賜食邑

東照大神君四十年前賜余采邑于洛邊且受
年支于駿府大神君棄群臣而後自駿赴武
門遊事于台德相國而往還洛武之間一旦兼
旨陪仕于大猷左府既而受微祿稍食者年
久矣今茲辛卯冬末十五日余登營時羽林
源忠勝并三老臣告余以左府遺命聞達
幕府而賜武州忍城郭外赤木村囊村柳沼村
上奈良村割配之以爲余采地拜其辱也合洛
之所食殆且千斛不意原思之九百至于可以

與隣里也於是賦一絕

奏先誨子是慈仁老未相逢臘裏春有道須知原
憲耻陳陳年穀作新新

羅山林先生詩集卷第三十八終

